

ინდიკატიური დაგეგმვა საბაზრო ეკონომიკის პირობებში

ლექსო ლემონჯავა

ასისტენტ პროფესორი,

საქართველოს ტექნიკური უნივერსიტეტი

თამარ აბუაშვილი

ასოცირებული პროფესორი,

საქართველოს ტექნიკური უნივერსიტეტი

* * * *

რეზიუმე

ინდიკატიური დაგეგმვა ეკონომიკური რეფორმების ერთ-ერთი მთავარი შემადგენელი ნაწილია და მისთვის საჭირო მყარი და მეცნიერულად დასაბუთებული თეორიულ-მეთოდოლოგიური და პრაქტიკული საფუძვლების შემუშავებაზე ბევრად დაამოკიდებული ეკონომიკის ოპტიმალური ფუნქციონირება. დღეს არ არსებობს საბაზრო ეკონომიკა სახელმწიფო რეგულირების გარეშე. ამ საქმეში დიდი როლი უნდა შეასრულოს ინდიკატიურმა დაგეგმვამ. მან უნდა უზრუნველყოს იმ მრავალ სოციალ-ეკონომიკურ ამოცანათა გადაჭრა, რომელთა განხორციელება მხოლოდ საბაზრო მეტოდებით, სახელმწიფოებრივი ჩარევის გარეშე შეუძლებელია.

საკვანძო სიტყვები: ინდიკატიური დაგეგმვა, ეკონომიკა, ეკონომიკის სახელმწიფო რეგულირება.

INDICATIVE PLANNING IN A MARKET ECONOMY

Lekso Lemonjava

Assistant Professor,

Georgian Technical University

Tamar Abuashvili

Associate Professor,

Georgian Technical University

RESUME

Indicative planning is one of the main components of economic reforms, and the optimal functioning of the economy largely depends on the development of solid and scientifically substantiated theoretical, methodological and practical foundations for it. Today, there is no market economy without state regulation. Indicative planning should play a major role in this matter. It should ensure the solution of many socio-economic tasks that cannot be implemented only by market methods, without state intervention.

Keywords: Indicative planning, Economy, State regulation of the Economy.

საბაზრო ეკონომიკის პირობებში და მით უმეტეს გარდამავალ პერიოდში, აუცილებელია ეკონომიკის სახელმწიფოებრივი რეგულირება. ისმება ბუნებრივი და ლოგიკური კითხვა. რა ბერკეტებით უნდა ჩაერიოს სახელმწიფო ეკონომიკის რეგულირებაში? ამ კითხვაზე პასუხის გასაცემად ისევ საბაზრო ეკონომიკის განვითარებული ქვეყნების გამოცდილებას უნდა მივმართოთ. როგორც მათი პრაქტიკის განზოგადება გვიჩვენებს, ყველა ქვეყანაში საბაზრო ეკონომიკის რეგულირებისათვის გამოიყენება დაგეგმვა, რომელიც სხვადასხვა ქვეყანაში სხვადასხვანაირად იწოდება. დღეისათვის ძირითადად გამოიყენება ტერმინები: სახელმწიფო პროგრამირება, ეროვნული დაგეგმვა, პროგრამულ-მიზნობრივი დაგეგმვა, სტრატეგიული დაგეგმვა, ინდიკატიური დაგეგმვა, ეკონომიკური დაგეგმვა და სხვ. მართალია, ამ კატეგორიებს თავიანთი სპეციფიკური დატვირთვა გააჩნიათ და ისინი გარკვეულწილად განსხვავდებიან ერთმანეთისაგან, მაგრამ მათ აქვთ მთავარი გამაერთიანებელი - ისინი ემსახურებიან სახელმწიფოს მიერ ეკონომიკური პროცესების რეგულირებას.

თუ მეორე მსოფლიო ომამდე და ომის შემდგომ პერიოდში ძირითადად გამოიყენებოდა სახელმწიფო პროგრამირება, დღეისათვის უპირატესობა მინიჭებული აქვს ინდიკატიურ დაგეგმვას. ტერმინი „ინდიკატიური დაგეგმვა“ სინონიმია „ლიბერალური“ „შერბილებული“ დაგეგმვისა. მეცნიერების ერთი ნაწილი ტერმინში „indicative“ ფართო გაგებით გულისხმობს ყველა სახის დაგეგმვას, რომელიც „არაიძულებით“ ხასიათს ატარებს.

სოციალურ-ეკონომიკური განვითარების ინდიკატორებად გამოიყენებიან მაჩვენებლები, რომლებიც ახასიათებენ ეკონომიკის დინამიკას, სტრუქტურას, ეფექტიანობას, ფინანსებისა და ფასების მოძრაობას, ფულის მიმოქცევის მდგომარეობას, საქონლისა და ფასიანი ქაღალდების ბაზარს, დასაქმებას, მოსახლეობის ცხოვრების დონეს, საგარეო-ეკონომიკურ კავშირებს და ა.შ.

ინდიკატიური დაგეგმვის მეთოდი ეფუძნება მის ორ ურთიერთდაკავშირებულ პროცესს. პირველი, ესაა პირველადი ინფორმაციის შეგროვების პროცესი და მეორე, ყველა მიღებული მასალის ტრანს-

ფორმაციისა და ანალიზის საფუძველზე ბაზრის გამოკვლევის პროცესი. ინდიკატიურ გეგმაში წამოყენებული ამოცანები ატარებს რეკომენდაციის ხასიათს და მათი მიღწევის უზრუნველყოფა რესურსებით და წარმოების საშუალებებით ყოველთვის არაა გათვალისწინებული. ამიტომ ასეთი გეგმის ცენტრალურ ნაწილს წარმოადგენს ეკონომიკური პროგნოზები, რომელთა არსი მდგომარეობს მთელი ეროვნული ეკონომიკის ან მისი ცალკეული დარგების გრძელვადიანი განვითარების შესაძლო მდგომარეობის განჭვრეტაში. სწორედ ასეთ პროგნოზებს ზოგჯერ ეროვნულ პროგრამებსა და ეკონომიკური განვითარების გეგმებსაც უწოდებენ. რამდენადაც ინდიკატიური გეგმები დაკავშირებულია საბაზრო ეკონომიკასთან, უმეტეს შემთხვევებში იგი ბაზრის კონიუნქტურის განსაზღვრას ემსახურება.

ინდიკატიური გეგმები საშუალებას იძლევა ორგანულად და მჭიდროდ შეაკავშირონ ერთ მთლიან დოკუმენტად სახელმწიფოს სოციალ-ეკონომიკური განვითარების კონცეფცია, ეკონომიკის ფუნქციონირების პროგნოზები, სახელმწიფო პროგრამები, ეკონომიკურ რეგულირებათა სისტემა, სახელმწიფო ინვესტიციები და ა.შ.

ინდიკატიური დაგეგმვის ერთ-ერთი მთავარი მიზანია კერძო სექტორის ფარგლებში გადანყვრტილების მისაღებად საჭირო ინსფორმაციის მონერსიგება. ასეთი დაგეგმვა მოიცავს ორ მთავარ ელემენტს - საგეგმო დავალებათა რეალიზაციის ნაწილში დაძალების მინიმუმს და გადანყვრტილების მიღების ნაწილში თავისუფლების მაქსიმუმს. ინდიკატიური დაგეგმვა ხელს უწყობს საბაზრო მექანიზმის ფუნქციონირებას იმით, რომ ამცირებს განუსაზღვრელობას. იგი არის სისტემა, რომელიც ეფუძნება სასურველი მიზნების გამოვლენას და არა ბრძანებებს მათი მიღწევისათვის. ამრიგად, ინდიკატიური დაგეგმვის მიზანია განვითარების პერსპექტიული ტრეკტორიების განჭვრეტა და არა მისი ტრანსფორმაცია. ასეთ გეგმაში ფიქსირდება არა შესრულებისათვის აუცილებელი, არამედ ე.წ. სასურველი მიზნები. ამიტომაც ინდიკატიური გეგმები დგება არადეტალიზებული მაჩვენებლებით. იგი აიგება მხოლოდ ურთიერთდაკავშირებულ ზოგად მაკროეკონომიკურ პარამეტრებში, უკეთეს შემთხვევაში ეკონომიკის წამყვანი დარგების (სექტორების) ჭრილში.

ინდიკატიური დაგეგმვა, უპირველეს ყოვლისა, გულისხმობს დროის ამა თუ იმ მონაკვეთში ეკონომიკისა და საზოგადოების განვითარების სასურველი და შესაძლო ზღვრების დადგენას გარკვეულ ალბათობათა და სიზუსტით გაანგარიშებული პროგნოზული პარამეტრების მეშვეობით. ინდიკატიური დაგეგმვის მთავარი მიზანია განისაზღვროს ხელისუფლების საშუალო და გრძელვადიანი ეკონომიკური პოლიტიკა და მისი რეალიზაციის

პრიორიტეტული მიზნები და გზები. ამასთან, გეგმურ ამოცანათა რეალიზაციის დროით ინტერვალებს არა აქვს მკაცრი შემოსაზღვრულობა და არ ატარებს სავალდებულო კანონის სახეს. ინდიკატიური გეგმა მეტწილ შემთხვევაში ხუთი წლის ვადით დგება. იგი მოიცავს ქვეყნის ეკონომიკური განვითარების მხოლოდ ზოგად კონტურებს, ეკონომიკური ზრდის ტემპებს, ინფლაციის დონეს, უმუშევრობას, კაპიტალის ინვესტიციის მიმართულებებს, სოციალური უზრუნველყოფის ასპექტებს. ამასთან, ამ ბოლო პერიოდში ინდიკატიური დაგეგმვის ფარგლებში ფართოდ გამოიყენება ცალკეული გადაუდებელი პირველი რიგის პრობლემებზე მიზნობრივი პროგრამების შედგენა. ძირითადად ამუშავებენ ცალკეული რეგიონების ათვისების, მნიშვნელოვანი სანარმოო და სოციალური ობიექტების მშენებლობის, რკინიგზისა და ავტომაგისტრალების აგების, ბუნების დაცვის, საბინაო მშენებლობისა და სხვა პრობლემებზე მიზნობრივ პროგრამებს. ამასთანავე, ინდიკატიური დაგეგმვა მოიცავს წლიური პროგნოზებისა და ეროვნული ბიუჯეტის შედგენის პროცესს.

სოციალ-ეკონომიკურ პროცესებზე სახელმწიფოებრივი ზემოქმედების მიზნით ინდიკატიური გეგმის ფარგლებში გამოიყენება ცენტრალიზებული საფინანსო-სავალუტო და საკრედიტო საშუალებანი, საგადასახადო ბერკეტები, ამორტიზაციის სისტემა, საბაჟო ტარიფები, ლიცენზიები, კვოტები, პროდუქციის მინოდების მოცულობა სახელმწიფო საჭიროებისათვის და ა.შ.

ინდიკატიური დაგეგმვის მეშვეობით ხორციელდება სხვადასხვა სოციალური ჯგუფის, სამინისტროს, უწყების და საბაზრო სტრუქტურის ინტერესების კოორდინაცია და ურთიერთშეთანაწყობა. მართალია, ასეთ გეგმას არ შეუძლია კონტროლი გაუნიოს კერძო სექტორს, რადგან ეს უკანასკნელი გეგმის წინაშე არავითარ ვალდებულებას არ ღებულობს, მაგრამ მისი საშუალებით ხდება კერძო სექტორის აქტიურობის პროგნოზების შედგენა. თუმცა უნდა აღინიშნოს, რომ ხშირად ეკონომიკური პროგნოზები რეალობისაგან არსებითად განსხვავდება, რაც ძირითადად განპირობებულია სიტუაციების ცვლილებით ქვეყნის შიგნით ან მთელ მსოფლიოში, მთავრობების ხშირი მონაცვლეობით, სათბობ-ენერგეტიკული რესურსების დეფიციტით, ბუნების კატაკლიზმებით და სხვ. ამიტომაც ინდიკატიური გეგმები მხოლოდ ზოგადპოლიტიკური და მაკროეკონომიკური ტენდენციების ასახვის ფუნქციას ასრულებს. ხუთწლიანი ინდიკატიურ გეგმაში მიზანშეწონილი არ არის მიზნებისა და ამოცანების ყოველწლიურად დიფერენცირება, ისინი გარკვეულწილად გრძელვადიანი ხასიათისაა და მასში მხოლოდ ნაწილობრივ შეიტანება კორექტივები. ასეთ გეგმაში მოცემულია განვითარების ტემპები

და ზოგადი მიმართულებები. ხუთწლიანი გეგმის რეალიზაცია ხდება წლიური გეგმა-პროგნოზების მეშვეობით, რომელშიც შედარებით დეტალიზებულად აისახება მოცემულ პერიოდში განვითარების პროგნოზები და ტენდენციები. ასეთი გეგმა ქვეყნის ეროვნული ბიუჯეტის ფორმირების ძირითადი საფუძველია.

ინდიკატიური გეგმა ეკონომიკურ ბერკეტებს შორის მნიშვნელოვანი ადგილი განეკუთვნება გადასახადებს. სახელმწიფო გადასახადების მეშვეობით ახდენს აქტიურ გავლენას ამა თუ იმ დარგის განვითარებაზე, კვების პროდუქტებისა და ფართო მოხმარების საქონლის წარმოებაზე, სხვადასხვა ეკონომიკური საქმიანობის განხორციელებაზე.

ეკონომიკური რეგულირებისათვის ინდიკატიური დაგეგმვის ფარგლებში სახელმწიფო ფართოდ იყენებს საკრედიტო სისტემებს, ქმნის ხელსაყრელ პირობებს მცირე და საშუალო ბიზნესის განვითარებისათვის. დაგეგმვის მეშვეობით სახელმწიფო აგრეთვე ფართოდ იყენებს სტანდარტიზაციის სისტემას, რომელიც ყველა ქვეყანაში ეკონომიკური განვითარების აუცილებელი ატრიბუტია.

ამრიგად, ინდიკატიური დაგეგმვა ძირითადად განსხვავდება სოციალისტური დირექტიული დაგეგმვისაგან. იგი არის ეკონომიკაზე იდეოლოგიური გავლენის ინსტრუმენტი, მისი მთავარი ამოცანაა საბაზრო ურთიერთობათა ჩარჩოებში სახელმწიფო და კერძო სექტორის საქმიანობის კოორდინაცია.

პირველი ინდიკატიური გეგმები გამოჩნდა 30-იან წლებში (ცნობილია, ფ. რუზველტის „ახალი კურსი“). მეორე მსოფლიო ომის შემდგომ მრავალ კაპიტალისტურ ქვეყანაში გაჩნა ნაციონალური დაგეგმვის სისტემა, რომელსაც ძირითადად სარეკომენდაციო-ინდიკატიური მიმართულება ჰქონდა. მიკროწარმოების მასშტაბებისა და ეკონომიკური კავშირების ზრდის შემდეგ ცალკეულ ფირმებს გაუჩნდათ აუცილებლობა არათუ მიმდინარე, არამედ პერსპექტიული გეგმების შედგენისა. პრაქტიკამ დაამტკიცა, რომ მიკროდონეზე გეგმა და ბაზარი კი არ გამორიცხავს ერთმანეთს, არამედ არეგულირებს და ავსებს.

დღეისათვის საბაზრო ეკონომიკის გეგმიანი სახელმწიფოებრივი რეგულირების მდიდარი გამოცდილება არსებობს მსოფლიოს მრავალ ეკონომიკურად განვითარებულ ქვეყანაში. დაგეგმვამ განსაკუთრებით ფართო განვითარება პოვა საფრანგეთში, სადაც ომის შემდგომ პერიოდში სახელმწიფო აშკარად ერეოდა ეკონომიკაში. გეგმის შედგენამ რეგულარული ხასიათი მიიღო. პირველი ფრანგული გეგმა (1945წ.) მოიცავდა ძირითადი სტრატეგიული პროდუქციის (მეტალის, ელექტროენერგიის, ხე-ტყის და ა.შ.) წარმოების მაჩვენებლებს. ამასთან, აღნიშნული გეგმები საფრანგეთში საბჭოური ცენტრალიზებული გეგმების გავლენას

განიცდიდა, მაგრამ 1960-იანი წლებიდან დაიწყო ინდიკატიური გეგმების შედგენა, რამაც შესაძლებელი გახადა დემოკრატიულ საფუძველზე განხორციელებულიყო სახელმწიფო და კერძო სექტორის კოორდინირება. ამჟამად საფრანგეთში სახელმწიფო ინდიკატიური დაგეგმვის საშუალებით არეგულირებს ამა თუ იმ პროდუქციის გამოშვებას, ხშირად სახელმწიფო გამოდის დამკვეთის როლში, განსაკუთრებით კი იმ პროდუქტებისა, რომლებიც განკუთვნილია მოსახლეობის სოციალური დაცვისა და დასაქმების უზრუნველყოფისათვის. სახელმწიფო აგრეთვე გეგმების საშუალებით ახორციელებს რკინიგზების, კომუნიკაციებისა და სხვა კოლექტიური სარგებლობის საშუალებათა მშენებლობას.

დაგეგმვის პრინციპები ფართოდ გამოიყენება აგრეთვე იაპონიის ეკონომიკის რეგულირებაში. მეორე მსოფლიო ომის დამთავრების შემდეგ იაპონიაში შემუშავდა ათეულობით ინდიკატიური (ეკონომიკური) გეგმა, რომელთა მთავარი მიზანი იყო ომის შედეგად დანგრეული მეურნეობების აღდგენა, დაბალანსირებული ეკონომიკური ზრდის მიღწევა, ქვეყნის ენერგორესურსებით უზრუნველყოფა, პროდუქციის ხარისხის გაუმჯობესება და ა.შ. იაპონიაში დღესაც ეკონომიკის რეგულირებაში არსებითი როლი განეკუთვნება ინდიკატიურ დაგეგმვას, მისი საშუალებით განისაზღვრება ქვეყნის სოციალ-ეკონომიკური განვითარების საშუალო და გრძელვადიანი სტრატეგია. იაპონიაში ხელისუფლება პასუხს აგებს ინდიკატიური გეგმის რეალიზაციაზე. რაც შეეხება ქვეყნის კერძო სექტორს, აქ ინდიკატიური გეგმები მეტწილად „შუქურის“ როლს ასრულებს და უზრუნველყოფს მათ ინფორმირებას მრეწველობის, სოფლის მეურნეობისა და სხვა სტრატეგიული დარგების განვითარების შესახებ.

ეკონომიკის სახელმწიფო რეგულირებას ადგილი აქვს აგრეთვე ამერიკის შეერთებულ შტატებშიც. მართალია, მას გამოკვეთილად ინდიკატიური დაგეგმვის სახე არა აქვს, მაგრამ ამერიკაში ამ მიზნით ფართოდ გამოიყენება ანტიმონოპოლიური კანონმდებლობები, საგადასახადო სისტემა, ფასებზე კონტროლის ფორმები, ლიცენზირების სისტემა, საქონლის ექსპორტის შეზღუდვის მექანიზმები და ა.შ. სახელმწიფო ახდენს შრომის ბაზრის რეგულირებას, ადგენს ხელფასის მინიმალურ ზღვარს. ამასთანავე, აშშ-ში სახელმწიფო ეკონომიკაზე მარეგულირებელ გავლენას ახდენს მართვის სხვადასხვა საფეხურზე - ფედერალური, შტატების და მუნიციპალური ხელისუფლების დონეებზე.

დაგეგმვის მეშვეობით ეკონომიკის რეგულირების სხვადასხვა ფორმა დამკვიდრებულია აგრეთვე გერმანიაში, ინგლისში, ნიდერლანდებში, კორეასა და სხვა ქვეყნებში. ინდიკატიურ დაგეგმვას განსა-

კუთრებით აქტიურად იყენებენ აზიის, აფრიკის და ლათინური ამერიკის განვითარებადი ქვეყნები.

განსაკუთრებული ორიგინალობით და წარმატებით მიმდინარეობს ეკონომიკის გეგმის საშუალებით რეგულირება ჩინეთში. ამ საბაზრო ეკონომიკის დამკვიდრება ხდება სოციალიზმის ბაზაზე. ბაზრის ფორმირებაში კერძო და კოოპერატიულ სექტორთან ერთად ფართოდ მონაწილეობს სახელმწიფო, რომლისთვისაც შერბილებულ ფორმაში შენარჩუნებულ იქნა დირექტიურული დაგეგმვა. არასახელმწიფო სექტორში პრიორიტეტი მიენიჭა ინდიკატიურ დაგეგმვას და საბაზრო რეგულირებებს. ამის შედეგად ქვეყანაში ჩამოყალიბდა ორსექტორიანი შერეული ეკონომიკა, რომელიც ერთ შემთხვევაში რეგულირდება გეგმით, მეორეში კი - ბაზრით. მოქნილი შეთანხმება ამ ორი მეურნეობრივი ურთიერთობისა უზრუნველყოფს ეკონომიკური ზრდის მაღალ ტემპებს. ნიშანდობლივია, რომ ჩინეთში ეკონომიკის საბაზრო რელსებზე გადაყვანა დაიწყო გეგმიანი სახელმწიფო სექტორის ნგრევის გარეშე. სახელმწიფო სანარმოებმა გარდაქმნეს მუშაობა ბაზრის მოთხოვნების შესაბამისად.

საქართველოს რესპუბლიკის სოციალ-ეკონომიკური განვითარების პირველი ინდიკატიური გეგმა წარმოადგენს ეკონომიკური რეფორმების თეორიისა და პრაქტიკის სინთეზს, ეკონომიკური პოლიტიკის ფორმირების მეთოდოლოგიურ საფუძველს. მსოფლიო პრაქტიკიდან გამომდინარე, მიზნობრივი პროგრამები მუშავდება ყველაზე უფრო გადაუდებელ და მომნიშვნელო პრობლემებზე და სახელმწიფო და კერძო ინვესტიციები წარიმართება მის გადასაწყვეტად პრიორიტეტული წესით. ერთდროულად არც ერთ ქვეყანას არ შეუძლია ყველა მწვავე პრობლემაზე პროგრამების რეალიზაცია.

მიგვაჩნია, რომ ინდიკატიურ და პროგრამულ-მიზნობრივ დაგეგმვაზე ეკონომიკური სისტემის გადაყვანა გარდამავალ პერიოდში (და მის შემდგომაც) უდავოდ წინადადებული ნაბიჯია ეკონომიკური რეფორმების რეალიზაციის გზაზე საქართველოში. რესპუბლიკაში ინდიკატიური გეგმის მეშვეობით სახელმწიფო ჩაერევა ისეთი საკითხების გადაწყვეტაში, როგორიცაა სოციალ-ეკონომიკური განვითარების სტრატეგიისა და სტრუქტურული პოლიტიკის განსაზღვრა, სახელმწიფოებრივი სექტორის რეგულირება, მოსახლეობის

სოციალური დაცვა და სახელმწიფო რეზერვების ფორმირება, ეკონომიკური პროცესების ანალიზი და პროგნოზირება, მატერიალური ნაკადების განაწილება, საფინანსო რეგულირება და ა.შ.

ინდიკატიურ დაგეგმვაში უნდა აისახოს რესპუბლიკის სოციალ-ეკონომიკური განვითარების ინერციულ-გენეტიკული და ნორმატიულ-აქტიური პროგნოზები, რომლის საფუძველზე შესაძლებელი გახდება განვითარების აუცილებელი და სასურველი მიჯნების განსაზღვრა, დადგინდება ეკონომიკური პოლიტიკის ძირითადი მიმართულებები და მათი რეალიზაციის გზები და საშუალებები. ინდიკატიური დაგეგმვის საშუალებით მოწესრიგდება ინფორმაცია კერძო სექტორის სანარმოო საქმიანობის შესახებ და პირიქით, კერძო სექტორის მიეწოდება ინფორმაცია სახელმწიფო სექტორის შესაძლებლობებსა და საქმიანობაზე, რითაც მოხდება საკუთრების კოორდინაცია და რეგულირება.

ინდიკატიური გეგმის შედგენა, უპირველეს ყოვლისა, სამეცნიერო კვლევითი სამუშაოა და ასეთი გეგმის პრაქტიკული დანიშნულების ხარისხი დამოკიდებულია იმაზე, როგორ მკაფიოდ და ნათლადაა ჩამოყალიბებული მიზნებით, თუ როგორი სიღრმითაა ჩატარებული ანალიზი და როგორი სიზუსტითაა შედგენილი პროგნოზები და პროგრამები. რასაკვირველია, საჭიროა ინდიკატიური დაგეგმვის მეთოდური ინსტრუმენტარის სრულყოფა და მისი პრაქტიკული აპრობაცია. სიძნელეები უთუოდ იქნება. მათ გადასაჭრელად კი ფართოდ უნდა აიქნეს გამოყენებული ამ მიმართულებით განვითარებული ქვეყნების გამოცდილება. ამ მიმე სამუშაოებში აქტიურად უნდა ჩაებას ეკონომიკური პროფილის სამინისტროები, უწყებები, კონცერნები, ფირმები და სხვა კერძო და სახელმწიფო სტრუქტურები, ცალკეული მეცნიერ-მკვლევარები და სამეცნიერო ცენტრები.

გამოყენებული ლიტერატურა:

1. გ. გამსახურდია, ფინანსების როლი საქართველოს გარდამავალ ეკონომიკაში, თბილისი, 1997წ.
2. გ. გამსახურდია, საქართველოს საფინანსო პოლიტიკის ძირითადი პრობლემები თანამედროვე ეტაპზე, თბილისი, „მერიდიანი“, 1998წ.
3. www.georgianencyclopedia.ge